

四庫全書

集部

欽定四庫全書

武夷新集卷四

宋 楊億 撰

詩四 七十首

內當

芝泥初熟詔書成  
紅藥翻階晝景清  
屋瓦生煙宮漏永  
時聞幽鳥自呼名

。讀史數白體

易牙昔日曾蒸子  
翁叔當年亦殺兒  
史筆是非空自許

世情真偽復誰知

閨思

征夫萬里成交河塞外蕭條朔氣多古壁暗蛩催夜織  
朝來一葉下庭柯

李御史

清曉乘驄出九達內朝簪筆坐前墀天家御史非凡格  
曾向崑崙服衆芝

王殿丞舉通判桂州

科名得玉向崑丘家世長淮入海流通籍殿中鈞盾省  
頒條嶺外桂林州漢皇前席期清夜楚客歸帆指素秋  
父老歡聞鄰郡政

前知  
賓州

壺漿千里待鳴騶

### 大名溫尚書之任

窳雲樓堞古銅臺幕府池塘茁菖蒲開畢萬山河千里迥  
亞夫鐘鼓九天來屬鞬前隊射鵬手載筆初筵倚馬才  
命將文昌非細事星光昨夜動昭回

### 喜賀梁三入翰林

六龍雲海冠蓬萊玉署深嚴枕斗魁漢殿論兵得頗牧  
唐宣宗嘗夜召學士畢誠論兵因曰不意頗牧在吾禁中梁園作賦掩鄒枚趨朝御  
紫香盈袖侍宴仙莖露滿杯五色天書看視草懸知獨  
有長卿才

次韻和昭侯立秋見寄

雲峰半歛火西流桃簟微涼忽報秋飲露吸風齊女怨  
登山臨水楚人愁珠喉倚瑟華堂暮桂爐薰衣別院幽  
美疢已平休沐近會應投轄一相留

弟伋歸寧

一夕西風木葉飛長安久客念庭闈去隨塞鴈銜蘆遠  
歸值家鷄啄黍肥負郭生涯同季子澄江詩景屬玄暉  
帝城紫陌多塵土免化輕雲白紵衣

景陽諫議赴餘杭

淞水東西兩節旄君今於此握戎韜油囊仙姥流霞酒  
鮑穴靈胥白鷺濤盤石起家傳典訓翹車開幕聘英髦  
子牟江海終非久剩鱸鱸魚把蟹螯

杭州嚴從事已

柳岸蘭橈片席飛秋風澤國季鷹歸幕中蓮渚紅衣脫  
江外蓴羹紫線肥十部須知從事貴雙魚莫遣尺書稀  
西陵正接家山路試為因人問釣磯

鄱陽皮錄事

松陵遺集占風騷故國田園沒海濤三世青瑣傳舊物  
三世有集  
五古卷  
十年黃綬歎徒勞謝塘春草侵魂夢潘縣秋

霜入鬢毛鄱水黃金漫如粟想君終不染脂膏

漢書地理志云

鄱陽出  
黃金粟

史館楊岫學士以詩詒及空門之事次韻和之  
雙樹金言付囑頻閻浮外護託王臣誰知天祿草玄客  
曾是靈山受記人

諸暨簿張慈

張慈閩人有聚書之癖事祖母九十餘

新官佐邑近閩禺令伯歡心就養初暫住梁園慵獻賦  
因經禹穴更探書忘機海國親鷗鳥寄信京華託鯉魚  
迴日殺青兼兩載想君清俸亦無餘



次韻和昭收寄銀臺李舍人之什

柱下方書掌事機深嚴侍從接論思歸鞍通德香街迥  
前席延英晝漏遲菊徑頓踈陶靖節月樓偏憶庾元規  
華堂宴集應難去玉笋醇醪滿勸誰

送吳航

井臼荒涼旅鬢班經年索米住長安囊中賣賦金都盡  
衣上悲秋泪不乾客路飄蓬殊未定侯門置醴豈成歡  
擔簦忽起東遊興庭樹西風昨夜寒

并州王諫議

瑣闥聊輟早囊封  
畫錦還鄉意氣雄  
別墅揮金延父老  
近郊騎竹見兒童  
蒲盧善化終成政  
蟋蟀深思未變風  
更待出師平黠虜  
戎衣獻捷大明宮

奉和翰林諸公賀閣長李公領銀臺之什

西漢公車主上章  
官曹秘邃接明光  
天書時草鳳凰詔  
邊奏親開赤白囊  
咫尺青規頻借筯  
離披金藥阻飛觴  
瀛洲仙侶相期處  
銅馬門中白玉堂

姚起居赴兩浙轉運

吳會商功利蓬丘輟史臣同僚供祖帳屬郡望行塵富  
國催流馬編年廢獲麟橐鞬二千石襦袴幾州人名姓  
丹臺籍封疆析木津片言空犴獄密啟到鈞陳且運方  
船粟初嘗千里蕆江山助詩思新詠掩汀蘋

集賢劉工部隲知衡州

仁里古湘川頌條命雋賢晉垂文二組身下九重天山  
水登臨思庭闈喜懼年官曹卽位宿衣袂御爐煙記事

成新史賡歌有雅篇為貪驅弩矢不從汎樓船治道山  
陰卒離羣藏室仙衡陽無過鴈尺素若為傳

魏奉禮昭文知吉州龍泉縣

故少卿咸  
熙之子

平昔登龍坂因緣識玉人庭中華轂滿膝下綵衣新少  
列悲先露高堂泣累茵嘉賓碣館閉遺業寢丘貧弓冶  
傳家久弦歌宰邑頻循良同漢吏惠愛及齊民又出夷  
門去還臨瀨水濱不須輕百里自古應星辰

作坊魏使知隰州

幾年供奉宣徽殿，一旦腰懸刺史魚。  
戚里園林甲京洛，將壇家世閱詩書。  
離筵惜別空銀榼，官舍思歸夢玉除。  
四十專城誰不羨，驂驪千騎擁干旟。

司農樂少卿知洪州

大農搜粟漢名卿，千里江西擁旆旌。  
腰下金龜三品綬，手中銅虎八州兵。  
江西舊管八州屬韃牧伯趨庭見，騎竹兒童

塞路迎

前任江南轉運使

洪井主人今重士，肯教懸榻有塵生。

送邵梁秀才

君家罨畫溪，歲晚忽思歸。  
密雪不獻賦，流塵空化衣。  
購書藏屋壁，溫席奉庭闈。  
清世莫招隱，垂天待一飛。

酬秘閣黃少卿因見所作洞霄宮碑且有題記

譙郡增嚴李母祠，神龜矯首負金碑。  
豆萁已乏不休思，

鰲白蕪無絕妙辭。  
翠琰雄文慙內史，

隋內史薛道衡有老君祠庭碑

黃

庭美翰枉義之

翰林裴侍詔奉勅書

蓬丘麗句偏相許，勝得山龍

袞服披

弟僨歸鄉

客兒詩思揜春塘杖策來觀上國光舉白萬錢酤酒飲  
殺青千卷買書藏梁園綠篠將歌雪楚岸蒼葭已變霜  
躍馬還家那隔歲預應乾鵲報高堂

弟伸歸鄉

澤國思歸詠采蘭東書携劒出長安天涯朝暮倚門望  
歲晏風霜行路難閩嶺夕嵐鄉樹老楚江寒浪客衣單  
巖前舊勒移文處到日重須拂蘚看

王尚食知鳳翔

曾頌  
延安

露冕分憂輟近班  
朝陽鳴鳳古岐山  
三刀吉夢頻為郡  
駟馬高車又出關  
宴客羽觴那有筭  
題詩綵筆莫教閒  
將壇義府平生事  
早立邊功振凱還

福州古田宰李堪

由來百里應華星  
何況牛刀乍發硎  
五柳不須輕印綬  
七閩聊且訪圖經  
雪天暢飲連浮白  
海縣抄書剩殺青  
公暇好裁封禪頌  
聖皇將欲駕云亭

黃旦宰江州德化縣



外臺論薦達乘輿花縣弦歌製錦初氣直公車曾諫獵  
政清官舍舊懸魚二林重結遺民社五柳閒尋靖節居  
好繼謫仙留絕唱雲屏九疊倚晴虛

李白廬山謠有屏風九疊雲錦張之

句

贈文照大師

讀徧龍宮七佛書一塵無念得衣珠金園講席天花滿  
沙界禪心水月孤擁衲夜霜凝屋瓦閉關春雨長庭蕪  
公卿半是空門友餅錫因循寄上都

慎大詹以吳柑見貺

龍陽休說木奴洲，震澤黃柑占上流。  
承露玉漿仙掌曙，亞霜金顆洞庭秋。  
香黏素手吳娃麗，冷滌朝醒楚客愁。  
應似荔支催入貢，隨河飛鳥逐鳴騶。

秘閣舒職方知舒州

西崑冊府控千廬，鈐筆多年校魯魚。  
厭享雙鷄太官膳，貪乘五馬使君車。  
明光畫省辭青瑣，天柱仙壇訪紫書。  
只恐政成拋印綬，携家深入白雲居。

夜宴

玉壺春漏咽銅龍畫棟塵飛曲未終樽酒醑醑和蟻汎  
牕燈紅焰隔紗烘水沉煙裊風微起霜檜陰圓月正中  
苦恨當關催夙駕平明入謁未央宮

陳太博知建州

夢筆山連化劍津兩鄉人看錦衣新北堂滌灑三牲膳  
南陌驂驪五馬塵畫角聲殘鈴閣暮露牙香細茗園春  
甌閩自昔多居士誰是賢侯席上珍

○再別陳建州因以抒意

北闕多年作侍臣一枝煙雨憶南閩留連五鼓趨丹禁  
近拜章求解職領郡上不允所請健羨雙旌擁畫輪籬畔菊荒環堵宅

山中鶴怨未歸人州民刺字空漫滅目斷東方千騎塵  
梁四諫議知鳳翔府

幾日銀臺閱副封岐陽西顧委秦中函關叱馭經天險  
函國聞鷄接土風雲幕杯盤三省近星郵章奏九門通  
下車卧理應無事莫遣融樽酒暫空

錢易赴蘄春

名重星垣試官閒月寺中竹符千里郡花浪一帆風塵  
隙駒從度霞觴酒莫空公堂封筆塚郵舍遞詩筒騷客  
休懷楚詞臣合薦雄長庚謫仙骨湏入抃鼇宮

福州張從事

萬人都督古閩州幕府旌門映碧油閭外依蓮滯英俊  
樽前噉薤占風流犀燈照水窺龍劍鯨浪噴空見蜃樓  
暇日登高賦滄海添鹽堪為昔賢羞

元淨上人之新安謁李學士兼遊廬阜

雙闕重城到幾迴  
兩遊千里忽浮杯  
點江春水淺深綠  
廬岳夏蓮傾倒開  
謝守同翻貝葉字  
湯師獨占碧雲才  
舊房京寺門空閉  
坐榻凝塵砌長苔

京府獄空降詔因寄大尹學士

長安惡少罷探丸  
桴鼓聲沉禁網寬  
三尺舊章閑玉律  
八行優詔下金鑾  
帝臨宣室方前席  
民值唐年耻畫冠  
終日訟庭無一事  
早調伊鼎佐湯盤

葉秘書溫知蜀州江原縣

前任嘉州從事自  
合泥管記授此官

秘省丞郎出字人錦江偏好濯纓塵酒壚千古風流地  
花縣三年爛漫春白羽豫州慵草檄青天蜀道厭摧輪  
巴猿杜魄驚鄉夢莫遣霜華鬢畔新

和酬秘閣錢少卿夜直見寄次韻

甘瓜朱李郢醪濃素綆銀牀蔭碧桐賜第舊連丹鳳闕  
直廬今在未央宮承雲仙掌延年露轉蕙薰絃解愠風  
此夕蓬山好逃暑月軒清話恨難同

送石枕與參政王給事

雄道人  
所惠者

千古碧潭秋水骨，琢成孤枕冷於冰。  
因為江外朱輪守，得自林閒白足僧。  
月幌光寒吞桂魄，暑軒氣爽壓梅蒸。  
奇章好尚非流俗，願向蕭齋代曲肱。

黃小著震知興元府南鄭縣

藏室仙郎罷屬辭，暑天驅傳出京畿。  
流年兩鬢生華髮，宰邑全家住翠微。  
九折坂長須叱馭，三聲猿苦莫霑衣。

右詞詞云：巴東三峽猿鳴，悲猿鳴三聲，泪霑衣。

金門薦鶚知音在

政事夕郎太  
原公常抗章



薦綱不到瓜時捧詔歸

陳堯拱廷評致仕歸蜀

西樞給事之兄也

一家今有十朱輪獨憶雲山欲退身天邑繁華行樂厭  
月曹清要命書新西風躍馬經秦甸東道椎牛讌孟鄰  
秋稼萬箱僮百指羲皇之上更何人

史館趙祠部况通判宿州

況時被病堅乞外任

風流華省含香客籍甚先朝奏賦人竹使三年勞佐郡  
柳堤千里待行春文園避事心長笑天祿讎書鬢漸新

帝念河渠在封部特緣經義委名臣

西漢平當以經明禹貢領河堤

擇良上人歸天台

片席然犀經水府幾程登陸望霞標吟情晚日繁雲合  
歸路秋風密葉凋行道六時廬嶽漏浮杯千里浙江潮  
舊房宴坐觀空後香積多年飯頓銷

表玄師歸縉雲有懷故雄閣黎成轉韻六十四句

括蒼古名郡生齒三萬家我昔自仙殿捧詔臨軍牙清

心治朞月訟息民無譁雄公真大士宴坐綿歲華駕言  
造梵宇室通驚人遐迎門虎溪屐布地牛頭花庭松偃  
翠蓋澗泉漱金沙坐聞師子吼歸恨跋烏斜驛召還上  
都騰裝即脩路別師黃金園贈我碧雲句我歸步赤墀  
代言紅藥署彈指知苦空觀心得降住藏識慙宿薰輪  
迴悲晚悟折簡問南宗寄言滿綰素絕念契真如忘筌  
離文字却燒雖洞然龍華決同遇師名達宸扆恩詔頒  
方袍歡喜黑白衆蕭衰霜雪毛毗邪見有疾示身如幻

泡雙林忽歸寂人天但哀號堆案遺札在滿鉢香飯銷  
只應伸臂頃未覺他方遙犀柄挂空壁鴈塔干層霄七  
返暫來去四大非堅牢口占成尺題手澤著紙尾親遣  
上足師浮杯渡江水雲朶搖筆精玉音鏘里耳遺我方  
石枕斑文剪霞綺諭我求菩提心堅正如此愴然悲夢  
形汎瀾泪盈眦上足今去歸焚修益勤止當續祖燈明  
無令社蓮死

蘓寺丞維甫知簡州陽安縣兼携家之任

神雞縹碧馬金精  
西海桑田一掌平  
苜蓿度關風漸勁  
莓苔登棧雨新晴  
琴齋盡室無歸夢  
錦里當壚柰宿酲  
塵柄清談且為政  
莫貪蒟醬學論兵

宿齋太一宮答李寺丞次韻

泰時齋居肅梧楸  
蔭繚垣露葵深得味  
風鐸乍成喧綠  
髮松喬侶丹經  
黃老言心期阻良久  
蝶夢繞朱門

建溪十詠

并序

太常高博士惠連典建安郡自郵中以所賦十題為

寄僕桑梓之地耳目熟焉不勝起予因亦繼作

武夷山

靈嶽標真牒孤峰入紫氛  
藤蘿暗仙穴猿鳥駭人羣  
古道千年在懸流萬壑分  
漢壇秋蘚馭誰祀武夷君

北苑焙

靈芽呈雀舌北苑雨前春  
入貢先諸夏分甘及近臣  
越甌猶借淥蒙頂敢爭新  
鴻漸茶經在區區不遇真

陸羽  
茶經

不迷建溪蓋

未遇真茶也

朗山寺

層巒連近郭占勝有招提宿霧昏金像飛泉濺石梯鐘聲空谷答塔影亂雲齊千騎時來此尋幽獨杖藜

陸羽井

陸羽不到此標名慕昔賢金鉗垂素綆石甃湛寒泉百汲甘寧竭千金志不遷

吳隱之有一飲懷千金之句

真茶汎雲液一

飲可延年

梨山廟

李頻也

唐季臨茲郡生祠已薦馨  
聲詩傳樂府廟貌載圖經  
畫壁流塵暗金碑古蘚青  
細民時請福撾鼓賽遺靈

勤公亭

危亭壓波面屹若排靈鼇  
浮蟻醺顏數飛鴻送目勞  
吏圍披簿領僧伴話風騷  
何日登懸榻州民刺有毛

大中塔

鷄園開淨土鴈塔倚寒空  
風鐸和清梵晴幡映彩虹  
香花傾海國金碧擬天宮  
絕頂登臨處谿山一掌中



仙人洲

相傳梅福於此上升所乘馬還陞後人因號陞馬洲

寒潭吞別派孤嶼屹中流昔有驂鸞客因名陞馬洲洪  
波長赴海碧樹幾經秋城郭何年變空聞鶴語愁

延平津

積水深無際神龍此屈蟠媚川珠彩動射斗劍光寒燕  
脯誰能寄犀燈豈易看負圖當瑞聖何苦蟄洪瀾

毛竹洞

洞門生異竹冉冉接同亭石迸狂鞭怒霜封密葉青實

應容鳳食杖欲變龍形逋客歸何日巖阿已勒銘

因與西廳參政侍郎奕棊予輸紙筆硯三物以  
詩見徵屬宣毫適盡但送蜀牋端硯繼以此

章

多年燥吻蒼苔砌禿盡江南石上毫五色蠻牋猶有剩  
一拳端硯豈勝勞蕭齋幸預談賓末謝墅深降奕思  
微物供堂方猶豫丹青筆下枉風騷

又以建茶代宣筆別書一絕

青管演綸都已竭文楸爭道恨非高輒將花苑先春茗  
聊代山中墮月毫

遊王氏東園

名園聊得拂塵衣深入春叢一逕微萬樹未饒金谷富  
百畦猶有漢陰機青蘋風暖天鷄出文杏巢乾海鷺歸  
向晚鳴騶九門路柳堤回首獨依依

送僧歸蘓州

說法雄音敵海潮一棲京寺葉頻凋水田三事衣將敝

香積多年飯頓銷  
忽憶虎丘飛夢到  
更聞蓮社寄書招  
好傳祖印歸南土  
莫遣宗風漸寂寥

送僧歸越州

舊房稽嶺鑱春苔  
猿鳥歡迎振錫迴  
花雨六時飄講席  
樵風千里送浮杯  
一乘了義剡心學  
三藏真文盥手開  
跡似孤雲本無滯  
飄飄新到帝鄉來

張泌東遊

玉籍參差未策名  
東遊聊得拂塵纓  
長亭酒盡驪歌闋

下榻波狂鷗棹輕澤國鱸鱸懸夢想戟門羅雀斷逢迎  
秋期莫到槐花老待聽新文擲地聲

喜王虞部賜進士及第

時知鄭州奉詔  
乘驛赴聞喜宴

中臺高應列星文千騎駢驪擁畫輪起草已誇雙筆健  
登科更占一枝春龍津召宴芝泥濕鴈塔題名麝墨新  
只待甘泉重奏賦彩纓長奉屬車塵


送章四十舅翁東歸

鄉黨共推賢干名二十年早懷荆岫璞遲下祖生鞭敢

諫書無報徒行履欲穿聖朝公道在搔首賦歸田

范儀下第東歸

君住武夷鄉思歸便促裝溪鱗絲縷細園茗露牙香雷  
火悲三上金錢困一囊長纓塵土滿會待濯滄浪



武夷新集卷四

欽定四庫全書

集部

武夷新集卷六

詳校官監察御史<sub>臣</sub>李陽械

檢討<sub>臣</sub>何思鈞覆勘

總校官中書<sub>臣</sub>朱 鈐

校對官中書<sub>臣</sub>葉 葵

謄錄貢生<sub>臣</sub>左熙世



欽定四庫全書

武夷新集卷五

宋 楊億 撰

詩五

一百八首

送章頤寺丞之巴陵

汾陽從事有嘉聲外計對章薦姓名再命便為千室宰  
于飛又出九重城腰懸銅墨才猶屈吟對江山思轉清  
楚客十年偏遂意秋風滿筋紫萼羨

外弟張湜西遊

六年隨我客梁園西上孤飛徹九門抱璞有瑕唯歎命  
泣岐無託更銷魂秦關百二聊乘興漢牘三千待叫聞  
赤日炎風兩京道文章滿腹與誰論

章羣下第東歸

卓犖修詞有古風計偕西上劇飄蓬梁園失意三春月  
閩嶺思歸一畝宮且喜還家儀舌在莫嗟為客趙囊空  
九天下詔崇儒術好絕韋編待至公

賀資政學士王侍郎

憑懇青規動帝心  
秋曹月殿寵光深  
論思東序清閒宴  
偃息西崑翰墨林  
私第藏書皆有副  
公庭種竹待成陰  
卧龍禁闥應非久  
救旱還須起作霖

表弟廷評章得象知信州玉山縣

懷玉烟霞接武夷  
我思祖德涕霑衣  
縣齋製錦留遺愛  
庭樹藏鏐長舊園

開寶末大父宰是邑予生於縣齋

彭澤公田今已廢

遼東邑子半應非  
津亭送別空搔首  
籍在金門未得歸

梁大諫自鳳翔乞留臺寄詩言志次韻酬之

聯飛仙掖舊心朋

子雲云朋而不心面朋也

笑我池籠出未能文陛

影纓空自愧香山蠟屐與誰登託身羿穀憂危甚引領

黃陂鄙悵增二室風煙莫全占會須攜手躡雲層

石殿丞通判濮州

龍虎遊從分不疎忽聞新命佐魚符經旬苦雨淹行旆  
幾曲洪河貫郡圖浮蟻酒濃頻舉白折膠風勁好彎弧  
賢侯東道歡相得期月民謠待袴襦

元奉宗宰績溪

遊梁度幾春時譽藹天倫家寄汀蘋久名題桂籍新溪  
鱗清可數澤雉到應馴黥歛非難治民風自古淳

李工部江南轉運

含香五字客尚齒十年兄舊奏梁園賦新題漢柱名出  
驅星使傳入佐地官征獻可方前笏分憂又抗旌富饒  
今澤國佳麗古臺城錯節投刀釋類網攬轡清沃心期  
密啓銜尾待香杭處處江山秀行春莫計程

楊日華宰錢塘

洛社負才名吾宗占寧馨聞詩趨鯉室聚慶墮鱣庭力  
學窺堂奧孤飛徹杳冥一枝攀綠桂百里應華星漢網  
何曾密吳歆正好聽油囊滿醇酎千日莫期醒

抑紳歸縉雲

予曾典是郡紳依  
宮師相國十餘年

東甌別業寄秋雲平昔題橋墨尚存故郡曾登太守榻  
上都頻掃相君門揮毫月殿香盈袖錫讌星津酒滿樽  
歸去吏民如問我五年書命紫薇垣

表弟李宗元知桂州陽朔縣

桂林陽朔溪山秀莫歎迢迢五嶺南百里字人須敏政  
千金酌水更懲貪鳴榔下瀨潮程遠曳彩舫堂壽譙酣  
遠地民淳無牒訴縣齋終日好清談

高起居知廣州

作藩南越古稱雄五管皆歸節制中腰佩金龜三品綬  
船開畫鷁一帆風檣官手版趨塵遠梅使星車附信通  
暫阻螭頭夾香案清宵應夢未央宮

丁集賢通判餘杭

遼東羽客富仙材  
仙殿飛觴接上台  
便道歸寧白蘋渚  
經時賜對柏梁臺  
里中驅弩先行路  
膝下斑衣慶壽杯  
明詔許令過別墅  
不憂郡閤簡書催

吳航赴宜興簿

家住武夷峰  
眉間道氣濃  
風塵久為客  
雷火近成龍  
試吏江城僻  
寧親嶺路重  
一廬期沒齒  
樂土定相容

予素  
有陽

羨退居之志會當  
占數於樂郊也

十六兄赴韶州從事



魏帝臺邊拂戰塵初平山畔綵衣新又攀高柳隋隄暮  
却寄寒梅庾嶺春韶石閒尋張樂地曹溪首訪悟空人  
男兒平昔四方志莫厭區區走隻輪

章頻寄南昌

孺亭洪井古南昌曾是梅仙試吏鄉一邑絃歌榮製錦  
幾程雞犬接維桑年深為客貂裘敝秋晚還家菊徑荒  
平昔題橋今遂志且斟壽酒獻高堂

李廷評昭迪使泚上

畫舸西風五兩斜  
淮淝將命去程賒  
衣纓黃閣相君後  
門巷青春學士家  
驛路新袍欺草色  
公筵大白醉榴花  
謝庭蘭玉多才思  
休澣裁詩對客誇

書懷寄劉五

風波名路壯心殘  
三逕荒涼未得還  
病起東陽衣帶緩  
近卧病月餘愁多騎省髣髴斑  
予行年三十有二五年書命塵西閣

千古移文愧北山  
獨憶瓊枝苦霜霰  
清樽歲晏強酤顏

趙殿丞知河南縣

鼎邑間間有古風清談為治自從容官聯殿省通朝籍  
路過津橋入縣封柳陰天街時紫轡雲生少室好搢笏  
龍門舊有題名處石壁蒼苔駁幾重

祕閣王校理知柳州

南越尉佗國羅池子厚神桂林驅傳遠芸閣解嘲頻行  
橐黃金滿歸程早蓋新一麾愁度嶺五綵喜寧親惹惹  
偏防疾蒲蘆善化人蓬山直廬在几硯日生塵

送僧歸越

中林宴坐赤髭繁水月禪心出世間說法音同海潮震  
隨緣身比嶽雲閒曹溪嫡嗣多參見碧落仙卿徧往還  
歸去舊房秋色晚澗松枝偃雨苔斑

吳延年宰武義

精神滿腹富青春燒尾曾看上禹門獻賦多年梁苑客

謫仙重世武夷孫

武夷君呼鄉人爲曾孫

一同印綬光初命幾驛

桑麻接故園澤國歸程秋欲盡丹楓黃菊動吟魂

吳待問之蒙城簿

西來赴調合關繻黃綬風塵厭九衢祖席且同開口笑  
公庭未免折腰趨長安車馬偏欺客魯國衣冠肯戲儒  
共憶故園歸計晚舊遊烟樹隔重湖

黃少卿惠綠雲湯

新甫竒材百尺標秋空高幹拂鵬霄仙經藥品誇難老  
人世霜天貴後凋千古貞魂愁化實九原荒壠恨為樵  
誰研露葉和雲液幾宿春醒一吸消

靈隱長老歸舊山

浮杯心與海鷗親  
駐錫王城忽過春  
麟殿九旬談妙法  
曹溪一滴渡迷津  
狂翻竹箭波隨棹  
側布黃金地絕塵  
白黑歡迎猿鳥喜  
紺園風定雨花新

皇甫太博知蘇州

長洲連歲得賢君  
十萬人家煦若春  
激箭波狂浮畫舸  
散絲雨細逐朱輪  
郡齋詩石鋪輕蘚  
公宴歌喉落暗塵  
未得休官作逋客  
河梁歸思滿鱸蓴

懷寄樞密王左丞

高陪七聖從軒遊帷幄深嚴日運籌口裡雌黃歸品藻  
盤中薤白想風流珠宮地密妨趨謁銅鉢聲沉斷唱酬  
獨喜修書依絳帳時登闕里受春秋

從叔郎中知潭州

藩閫分憂重關山去路賒含香滯郎署乘駟倦天涯土  
貢千頭橘神祠萬里沙金碑紀風物寶瑟怨年華粉籜  
斑文簞雲腴紫筍芽民田兩岐麥郡圃四時花別恨休  
攀抑歸期待及瓜鱸庭有遺訓清白自傳家

黃刑部之陝西轉運

百二秦川四塞寬  
甘泉烽火報平安  
泥書雙筆遷郎署  
粒食千金仰縣官  
江海半生拋別墅  
關山何日解征鞍  
定將鞭算資心計  
流馬功成國史刊

史館張學士知婺州

鸞掖分符又出麾  
津亭目送片帆飛  
暫隨越鳥棲烟樹  
重許吳儂見錦衣  
居前牧新定屬邑行春熊軾穩  
公堂卜夜蟹螯肥  
隱侯帶眼看成緩  
雙闕恩深更憶歸



谷李光丞

來詩述車駕臨  
幸修書院之事

豹尾森森拂畫簷  
久留雕輦閱牙籤  
字分三豕慙該博  
饌費雙雞媿屬厭  
濫跡播紳同北枳  
艸儀封禪待南鸛  
相門蘭玉裁新句  
只恐京城紙價添

寄并州張給事

山河表裏絕狼烟  
幕府朝朝醉玳筵  
合樂中軍雄鼓吹  
傳杯四座豔花鈿  
行春好駐桑郊騎  
卜夜誰談雪竇禪  
梁苑并門香千里  
離懷愁對月嬋娟

寄劉秀州

連典吳中諸郡

騎置迨迨阻玉音左魚江海遂初心  
朱絃道直消浮謗春艸才多動苦吟  
震澤折醒千樹橘華亭驚夢九臯禽  
郡樓晴日東西望幾處甘棠接翠陰

無為軍王從事

奏牘曾蒙乙夜觀擅場文價在金鑾  
貂裘歲久京塵暗鷓鴣路高旅翮殘  
取酒黃金都已盡食魚長鋏更須彈  
時清水國無書檄誰見揮毫一據鞍

密直任學士知益州

玉壘求賢牧金門輟近臣龍荒使傳遠難省命書新殿

柱題名久刀州入夢頻懸魚喧舊政

前牧東川

叱馭繼芳塵

珠履平原客壺漿左蜀人北堂牽遠念南詔撫殊鄰宴  
榭峨眉雪歌筵濯錦春樂章傳辯士卜肆訪逋民幕府  
觴無筭池塘思有神知誰預交辟空羨吐車茵

休沐迷懷寄祕閣錢少卿

風號電笑雨平堦紈素微涼暗入懷畫枕乍成園吏夢

晨疏聊學太常齋名慙引籍通丹地心愧移文刻翠崖  
大隱金門猶自適日親方朔聽詼諧

晏殊奉禮歸寧

垂髫婉孌便能文驥子蘭筋迥不羣南國生芻人比玉  
梁園脩竹賦凌雲堵牆看試三公府反哺知千萬乘君  
賜告歸寧來別我亭臯木葉正紛紛

送禪牀與樞密王左丞

北祖安禪唯看淨毗邪升座更談空須知密勿萬機外

常在瑜伽三昧中

受詔修書述懷感事三十韻

太極垂裳日中原偃革初樓船秋發詠衡石夜程書好  
問虛前席徵賢走傳車蓬萊倂漢制煨燼訪秦餘紬繹  
資金匱規模出玉除紛綸開四部祕邃接千廬飫賜雙  
雞膳親迴六尺輿華芝下閭闔白羽擁諸胥望氣成龍  
虎披文辯魯魚清光無咫尺玄覽亦躊躇羣彥揮鉛筆  
微生濫石渠嵇康真懶慢謝客本空疎講學情田涌談

經腹筭虛月評依許劭文體慕相如雅飲歡娛洽清言  
鄙悵祛彌旬容出沐終日喜羣居撫已慙鳴玉歸田憶  
荷鋤池籠養魚鳥章服裹猿狙園府愁尸祿天閤媿縈  
裾虛名同鄭璞散質類莊樗國士誰知我鄰家或侮予  
放懷齊指馬屏息度羲舒寡婦宜憂緯三公亦灌蔬危  
心惟敵鯁直道忍遽除往聖容巢許先儒美甯蘧晨趨  
歎勞止夕惕念歸與秦痔踈杯酒顏瓢賴斗儲如諧曲  
肱卧猶可直鈎漁矯矯龜銜印翩翩隼畫旗一麾終遂

志阮籍去騎驢

分得朝野多歡娛

魚字韻

臯壤驚秋氣倉箱有歲儲  
梁園從臣頌謝墅富人車休  
沐新頒詔珍符不絕書  
天心游蠖濩民樂在華胥  
擊壤歡謠洽疑脂密網除  
行將封岱嶽持橐奉金輿

胡馬嘶北風

動地陰風勁連雲白草齊  
聞琴空仰秣踐雪憶歸蹄  
金埒心寧戀鹽車困欲嘶  
過關拖疋練渡水惜鄣泥  
五路

驚旗緩千金碣館迷羈魂重懷土不寐到晨鷄

金馬

茂異紛綸集漢庭求賢詔在竹書青共趨金馬門前路  
誰識東方是歲星

冬夜

香街鼓絕暝煙深簷近孤釭射宿禽露井銀牀霜氣冷  
瑣窻珠網月華侵初沉遠籟聞疎漏旋拂流塵撫素琴  
坐久星河漸侵沒蕭蕭朔吹度平林



集賢李金部知潁州

汝陰名郡擁朱輪  
洛宅霜威尚襲人  
門籍舊通仙禁近  
書囊纔補殿帷新  
金華入侍知非晚  
石柱題名又幾春  
莫戀桑郊停五馬  
蓬丘几硯自生塵

海印大師歸永嘉

仁煦

都城供應幾經秋  
海國歸心不少留  
雨雪片帆過北固  
煙霞丈室寄東甌  
千燈續燄知無盡  
一錫隨緣信自由  
更到石門題雅句  
碧雲從此掄湯休

挽歌

故樞密宋給事挽歌三首

宸遊方扈從移疾廢樞機步輦親臨問肩舁遽告歸忽  
聞號左轂旋見泣中闡城郢遺言切忠魂定有依  
六龍初展義七聖盡陪遊塞外狼烟起軍中羽檄稠漢  
帷方借筓莊壑忽沉舟不柰良臣死秦醫亦漫求  
永辭溫室地長別諫書帷玉恨埋黃壤星愁析紫微薤  
歌偏怨咽哀歛更光輝可惜岑文本遼陽不共歸

故蘄州王刑部閣老挽歌五首

東觀未絕筆西垣俄解龜  
罷裁青紙詔重入白雲司流  
落成三黜聯翩換一麾  
黃岡與滁上應立去思碑

雞省曾三入鰲峰近十旬  
命書批鳳尾諫疏逆龍鱗  
按部朱轡遠悲秋素髮新  
茂陵終不起遺札滿埃塵

近署惟官謗清淮綰郡章  
平生不佞佛晚歲尚為郎  
得疾因卑濕為文足感傷  
纔蒙宣室召奄忽歎云亡

楚客離騷怨子牟  
江海心積憂偏損壽  
多病未妨吟野

鳥俄窺舍甘棠已結陰郡中應罷市遺愛在人深

奏橐應盈篋藏書復幾車門人誰漬酒天子想投瓜旅  
櫬關山閣銘旌道路賒趨庭有令子清白自傳家

故比部李郎中挽歌四首

隴右華宗貴朝端懿範存哀烏光列宿駟馬慶高門謁  
帝承明署娛賓金谷園人生忽至此天道亦難論

睦族衣無主傳家鼎有銘沙堤連里巷玉樹接堦庭北  
海樽常滿西山藥不靈肯堂歸棣萼含笑入泉扃

鴈序分臺閣春卿有職司雲屏三殿宴綿範一王儀風  
韻靈和柳襟懷叔度陂善人無復見執紼淚空垂  
美疢漳濱卧營魂東岱歸故人空漬酒侍史罷薰衣畫  
像留家廟銘旌出帝畿浮生除壽考享福似君稀

明德皇太后挽歌詞五首

奉勅撰

母儀垂二紀坤順翊玄功望斷蒼梧野尊歸長樂宮金  
塗烘曉日椒壁起香風奄忽違塵世攀號泣舜瞳

軒星光太極陰教正中闡外戚黃金穴深宮大練衣雀

臺愁霧隔駒隙暗塵飛  
貝闕三山路飄飄仙馭歸  
德契河洲什心依黃老書  
濯龍規誠在飛羽豫遊踈  
復土文園接凝塵丙殿虛  
蒸蒸天子孝泣血望塗車  
世載河山誓門無恩澤侯  
公桑空繭館仙藥阻蓬丘  
愍冊藏幽壤哀殆咽素秋  
後宮彤管在千古紀徽猷  
閩範留椒闥神遊返玉清  
魚燈照玄寢騎吹咽重城  
運迫升仙日人傷喪妣情  
宮中舊長御行哭盡吞聲

又五首

奉勅撰

太妣徽音盛長秋命數崇黃圖分丙殿立象應軒宮記  
注無窮美聲詩內助功雲陽復土後陵柏自悲風  
甲族傳仙季遺言在濯龍後宮皆率職外戚早辭封彤  
管流陰教金根盛國容真遊一何遽罷望九疑峰  
軒遊雲杳杳舜孝日蒸蒸椒壁還生沴銅臺亦罷登親  
桑寧復見嘗藥遂無徵拱木立堂閔淒涼烟霧凝  
外家金穴貴曩日玉衣祥萬壽瑤觴舉三朝複道長小  
侯親俎豆女史煥縑緗遽厭人間世乘雲歸帝鄉

外族長安盛尊名永樂崇初陵淒草露舊殿閒椒風聳  
樹迷凶仗周原掩壽宮聖君悲望處汨雨泣重瞳

樂章

太常樂章三十首

奉聖旨撰  
咸平五年

皇帝南郊前一日朝饗太廟奏理安曲迎神

肅肅清廟昭事祖禰粢盛苾苾四海來祭皇靈格思令  
容有睟降福孔偕以克永世

皇帝行奏隆安之曲



裸鬯溥將賓尸在位立德升聞孝思光被公卿庶政傳  
御師氏至誠感神福祿來暨

皇帝奠幣奏瑞文之曲

溥精育物瑞木成文元氣陶冶非煙郁紛玄貺昭格至  
和所薰登歌裸獻彤蠶如聞

迎俎奏豐安之曲

麗碑割牲以烹以烹博碩肥腍薦羞神明祖考來格享  
于克誠如聞馨欵式燕以寧

皇帝酌獻第一室奏大善之舞曲

肅肅藝祖肇基洪源權輿光大燕翼貽孫載祀惟永慶  
流後昆威靈在天顧我司存

酌獻第二室奏大寧之舞曲

文思聖祖長發其祥錫羨蕃衍德厚流光眷命自天卜  
世聿昌肅祇孝享降福無疆

酌獻第三室奏大順之舞曲

明明我祖積德累仁居晦匿曜邁種惟勤帝圖天錫輝

光日新寢廟繹繹昭事同寅

酌獻第四室奏大慶之舞曲

洸洸我祖時惟鷹揚潛德弗耀發源靈長肆類配天永  
思不忘來顧來享百福是將

酌獻第五室奏大定之舞曲

赫赫太祖受命于天赤符啓運威加八埏神武戡難功  
無間然翼翼丕承億萬斯年

酌獻第六室奏大盛之舞曲

穆穆太宗與天合德昧旦丕顯乾乾翼翼敷祐下民時  
帝之力永懷聖神孝思罔極

皇帝飲福酒奏禧安之曲

嘉粟旨酒博膺牲牷神鑒孔昭享茲吉蠲夙夜絜祀孝  
以奉先永錫純嘏功格于天

退文舞出奏正安之曲

左手執籥右手秉翟進旅退旅萬舞有翼

迎武舞入奏武功之曲

已象文治乃觀武成總干山立七德以貞

亞獻終獻送神並奏理安之曲

神之來兮風肅然神之去兮昇九天排凌兢兮還恍惚  
羽旄紛兮蕭薌燔

南郊降神奏高安之曲

爰卜吉土在國之陽肆類于帝錫羨無疆備物致享嘉  
生阜昌純嘏昭答長發其祥

皇帝行奏隆安之曲

禮備樂成乾健天行帝容有穆佩玉鐙鳴

皇帝奠玉幣奏隆安之曲

定位必祀告于神明嘉玉量幣享于克誠

迎俎奏豐安之曲

有牲斯純有俎斯陳柔嘉登薦昭事惟寅

初獻奏禧安之曲

大報于帝玄德升聞醴齊良潔粢盛必芬

皇帝飲福酒奏禧安之曲

祀帝圓丘九州獻力禮行于郊百神受職靈祗格思享  
我明德天鑒孔彰玄祉昭錫

皇帝迴仗乾元殿奏采茨之曲

禮成于郊迎日之至時乘六龍天旋象魏端門九重虎  
賁萬騎四夷來王犀后輯瑞

皇帝御殿迎升御座奏隆安之曲

金奏在懸羣后在位天威煌煌嚮明負扆玄覽穆清弁  
冕端委盛德日新禮容有煒

引羣官作正安之曲

萬邦來同九賓在位奉璋薦紳陟降庭止文思安安威儀棣棣臣哉隣哉介爾蕃祉

皇帝正冬御殿

文舞第一

八佾具陳萬邦有奕既以象功又以觀德進旅退旅執籥秉翟玄化懷柔遠人來格

第二



閭闔天開羣后在位設業設虞庭燎晰晰斧戩當陽虎  
賁夾陛舞之蹈之四隅來暨

武舞第一

武功既成綴兆有翼以節八音以象七德俱俱蹲蹲朱  
干玉戚發揚蹈厲其儀不忒

第二

偃伯靈臺功成作樂以昭德容以清戎索萬邦會同羣  
慝蕭勺盡善盡美侔彼韶箭

皇帝南郊迴御樓將索扇奏隆安之曲

應門有翼羽衛斯陳山龍袞冕律度聲身戕戕奉璋肅肅九賓清明在躬志氣如神

皇帝御樓奏隆安之曲

園丘類上帝六變降天神禋燔禮云畢使衛肅以陳天顏瞻咫尺王澤熙陽春玉帛臻禹會動植霑堯仁

皇帝御樓畢奏隆安之曲

肆類云畢淳熙溥將雷雨麗澤雲物効祥禮容濟濟天

威煌煌大賚四海富壽無疆

又七首

續奉勅撰  
景德三年

白帝迎神高安曲

西顯騰精天地始肅盛德在金百嘉阜育曠弩射牲築  
場登穀明靈格思旒罕紛屬

奉幣嘉安曲

博碩肥腠以烹以烹嘉粟旨酒有彌斯盈般載維旅肅  
肅蒸蒸吉蠲脩物享于克誠

送神理安曲

飈輪戾止光燭靈壇金奏繹如白露漙漙

朝日迎神

陽德之母義御寅賓得天久照首茲三辰正辭備物肅肅振振淪精降鑒克享明禋

奉幣

醴齊良潔有牲斯純大米玄冕乃昭其文王宮定位粢盛必芬民事以叙玄德升聞

送神

懸象著明照臨下土降福穰穰德施周普

飲福酒廣安曲

簠簋既陳吉蠲登薦洗心防邪肅祇祭典陟降惟寅  
豆有踐百禄咸宜淳耀丕顯

正冬御殿上壽樂章八首

皇帝舉壽酒宮懸奏和安之曲

天威煌煌山龍米章庭實旅百上公奉觴拱揖羣后端

委垂裳永錫難老萬壽無疆

皇帝舉第二爵酒登歌奏祥麟之曲

帝圖會昌仁獸効祥雙鰲共觝示武不傷四靈為畜玄  
躬耀芒公族信厚元元阜康

賜羣臣第一盞酒宮懸奏正安之曲

思皇多士靖恭著位鳴玉飛綏錚錚濟濟宴有折俎以  
示慈惠罔敢不祗福祿來暨

皇帝舉第三爵酒登歌奏丹鳳之曲

矯矯長離振羽來儀和音中律  
蓀翰揚輝珍符沓至品  
物攸宜至德玄感受天之祺

賜羣臣第二盞酒宮懸作正安之曲

金奏在懸有酒斯旨顒顒卬卬  
嚮明負宸湛湛露斯式  
宴以喜佩玉榮兮罔不由禮

皇帝舉第四爵酒登歌奏河清之曲

德水湯湯發源靈長皎鑒澄澈  
千年効祥積厚流濕資  
生阜昌朝宗潤下善利無疆

賜羣臣第三盞酒宮懸作正安之曲

酒以成禮樂以侑食露湛朝陽星環紫極淑慎爾容既  
飽以德進退周旋威儀抑抑

禮畢降坐宮懸奏隆安之曲

被袞當陽穆穆皇皇擊石拊石頌聲洋洋和樂優洽終  
然允臧禮成而退荷天百祥

武夷新集卷五



欽定四庫全書

武夷新集卷六

宋 楊億 撰

頌一首

承天節頌并序

臣聞聖人之生也必契千載之會昌膺三靈之眷命叶  
河洛之祕紀握天地之元符歷數有歸周秦所以訢合  
謳謠攸屬唐虞所以丕承蓋景運未融何以鍾於惟睿  
嘉祥不集何以顯於乃神故炎帝有姜水之徵軒轅有

樞星之異少昊有流渚之應顓頊有襲月之感河清社  
鳴既彰於圖牒日角龍顏復著於儀表然後執璿璣以  
齊七政垂衣裳而臨萬方端居穆清之中獨運陶鈞之  
上荷天百祿純嘏之錫無窮比德九皇仁壽之期斯會  
者也恭惟五代之季實啓聖宋囊括席卷混一區宇三  
葉之盛實生哲后聰明文思對越穹壤涵育萬彙功成  
而不宰總制九有神行而無方四隅底寧百度大治羣  
公卿士望清光而惟勤搢紳諸生頌盛德之靡暇巍巍

乎蕩蕩乎無得而名也惟玄冬之良月實祁寒之戒候  
乃初吉之翌日即載誕之休辰有司率循舊章請建佳  
號皇上奉若先志祇膺典禮于斯時也平在朔易神惟  
玄冥涼風生廣莫之郊大呂應伶倫之管氣栗烈以彌  
爽天沆寥而益高初陽既躋就之者咸愛增冰方盛履  
之者不兢時令順而玉燭調歲功成而寶曆永於是幅  
員之內提封之外越裳之國重九譯而來賓北方之疆  
款五原而納貢舟車之所不及風教之所未覃莫不梯

險航深浮琛沒羽萬國麋至會禹於塗山諸侯駿奔朝  
漢之長樂是日也佳氣葱蔚非烟郁紛微埃不興纖羅  
靡動殿枕龍首敞帝居於鈞天庭列虎賁森羽衛於鈞  
盾金奏在虞六代之樂畢陳素錦綢杠九旂之旂並建  
庭實旅百毳服成羣列於陞戟之前立於宮懸之右叔  
孫綿繅備舉九賓之儀后夔簫韶將致百獸之舞既而  
羣臣踟躕以就列一人肅穆以當陽淵默雷聲溫潤玉  
色堯階三尺仰之彌高舜目重瞳望之斯畏上公捧觴

而獻壽太師升歌以詠功億萬斯年共祝南山之固殞  
越于下載沾玉笋之餘有位悉享於衢樽羣生永躋於  
壽域盛禮斯畢景福無疆下臣忝預周行親履文石從  
大夫之後陪未央之朝覲鐘鼓玉帛之云喜聲明文物  
之盛固知金泥石碣將有云亭之期豈獨綬帶絲囊但  
舉開元之舊而已哉若乃賦頌之作臣之職也昔者有  
駉泮林皆諸侯之事耳猶復列在詩什被於箎弦如臣  
述大君之功德祝聖人之壽考文雖不足於志事乃有

殊於古美芹之意雖可獻於君親擊壤之音豈能中於  
風雅惶恐稽首謹獻頌云

惟民樹君惟天生聖實天之子惟民司命神靈在躬岐  
嶷成性載誕之辰生民之慶乃建佳節其惟承天惟天  
為大惟帝法焉惟帝合德罔有後先承之伊何終日乾  
乾帝謨廣被天瑞薦至乾符坤珍紛綸總萃玉帛駿奔  
飫食飲賜外薄四海敢有貳事龜巢于蓮其葉田田蒙  
莊大椿春秋八千山聲響答河色漪漣如日之旦億萬

斯年煌煌老人騰輝南極昭昭辰星垂象于北如松之  
茂如柏之直萬壽無疆自天永錫華封之祝属于帝堯  
中和之頌升于漢朝王澤下濟德音孔昭為之聲詩無  
愧採樵

記十一首

處州麗水縣廳壁記

麗水古括蒼縣唐大厯末避德宗諱并郡改焉地亘婺  
女之區俗益東甌之舊提封之廣袤僅十萬井生齒之

富庶幾八千室自錢氏竊據之際頭會箕歛民不堪命  
及聖朝混一之後生聚教誨日不暇給縣署湫隘僅庇  
風雨偪下已甚陋如之何前此宰邑者皆執掌王事沉  
迷簿領盤錯游刃之不暇棟宇改作之未遑至道初天  
子以古者郎官出宰百里申命廷尉評甄侯旦以六百  
石秩來涖是邑侯孔門之達者也吏道詳敏而飾以文  
學天資高朗而輔以經術清白以率下明察以照奸獄  
訟滋彰必片言以折賦調倥偬皆先時而辦曾未朞月



縣政大成天子嘉之凡再降璽書進爵朝大夫總殿中  
六尚之職不改其任恐奪民賢君增秩以留用西漢故  
事侯既五月報政休聲著聞終日清談庶務自治從容  
暇豫周覽縣齋苦葢不完梁木將壞慨然憤發經之營  
之度山取材懸金購匠因農務之隙集子來之徒運斤  
成風揮汗為雨皆曰吾儕小人猶有闔廬以避燥濕寒  
暑豈我賢宰君築室而不速成乎曾未浃旬層構云畢  
恍若神化煥乎惟新凡樓以藏詔書廳以決政事樓之

南敞重闕可入方軌廳之北開回廊僅容宴豆通而計之共十有一間麗譙渠渠治象之法在焉堂皇戔戔神明之化出焉侯陟降以之造次於是職修事舉體寧神王使虛室生白高門容車後來之人坐享其利侯之規模信宏遠矣昔者一日必葺春秋稱叔孫之賢百堵皆作詩人著斯干之詠鄙夫不佞假守方州每行春棠郊攝齋偃室目是輪奐飽其風聲爰勒貞珉以志成事異日甄侯棄去下邑揚于王庭此邦之人誰無遺愛即陵

遷邑改斯宇也比靈光而獨存石泐金銷斯文也與峴  
首以同致後之君子善似續之

處州龍泉縣金沙塔院記

金仙氏之教有自來矣天毒之國實紀于山經竺乾之  
師嘗聞於柱史西京名將得休屠天祭之人東漢諸王  
為蒲塞桑門之饌道之行也源遠乎哉三吳興區控帶  
閩粵魚鹽所出生齒實繁昔仲雍之剪髮文身參以殊  
俗劉渚之即山煮海放於末游加以勾踐之好兵民性

獷悍益之東甌之事鬼土風妖訛自像法西來漸被諸  
夏此方士庶佞佛尤謹毀形變服競為苾芻之飾傾財  
破產爭修浮屠之舍貪福畏禍革音遷善水火或蹈微  
纏罔懼而怵報應之說堅信向之心姦軌用哀民德歸  
厚易所云神道設教者其是之謂乎縉雲西鄙之邑曰  
龍泉實甌冶子淬劍之地土田膏腴居人雜錯山谷環  
合習俗豪舉版圖所載提封萬井舟楫僅通懸流千仞  
縣之南有精舍曰金沙林嶺襟束烟霞虧蔽地形四塞

靡通鳥道石門中豁迥非人境香火不絕鐘唄相聞聿  
為道場多歷年所徒衆彌盛堂構益隆求之東隅益有  
隙地邑人李文進施財百萬造塔七層貨泉之費已殫  
土木之功未畢桑門延通與其徒鴻顯暨大姓李仁祿  
共唱其事薄歛於人經斯營斯載撲載斲基扁環回而  
固護堂陞崛起以穹崇新材也必取山木之良斲之以  
密石購匠也必擇雲梯之巧賞之以兼金極剗剔之工  
加丹雘之飾築室斯廣蓋百堵之有餘為臺甚高非三

休而能詣鳥鼠攸去燕雀是依名翬軒而欲飛巨鼇兀  
以方牀由余謂之使鬼士茁疑其勝人殆歲星之周天  
始祇園之訖後凡堂以陳賓主之次室以備宴息之所  
高門洞啓回廊翼舒庖厨載嚴井樹攸設舉其成數凡  
四十間湧塔屹於中庭反宇聳於天半泛朝日以增麗  
蒙夕靄而如失作鎮茲壤垂厥方來且以岳陽王感應  
舍利李長史華嚴合論匱而藏之目之曰華嚴寶塔舉  
其一而稱焉亦取夫百寶莊嚴之義也夫誠不果者物

不應志不篤者事不集故霜隕燕地風擊齊臺誠之謂也精衛填海愚公移山志之謂也若通師者奮空拳創曾構秉心固必異石席之卷轉致功微漸同水索之鑽鋸於是名豪居士捐千金而不疑織婦販夫拔一毛而無惜聚財致用積日累勞物力告窮形勢總萃非夫挺雞鳴不已之操用蚍蜉時銜之功磨涅靡渝顛沛於是固將九年治水厥功弗成一簣為山中道而止迹其所自夫豈偶然予乃知夫西方之言有益於化大雄之教

不虛其傳矧於海隅崇尚尤篤以通師之善誘以邑人之悅隨譬諸靈臺既克成於不日將比棠樹永見愛於斯民豈止軒丘之獨神孔堂之不壞而已汝南周啓明者郡之造秀占數是邦致書於予懇請為記聊叙始末以附諸地志焉

處州郡齋凝霜閣記

夫談仁義者必就閒宴避炎酷者必登高明故魯史述其三宮詩人詠夫百堵中堂湫隘婦姑由是勃磈大夏



穹崇燕雀以之相賀若乃叔孫之葺墻屋陸抗之治廬  
舍去如始至後無以加賢者用心豈徒然耳茲郡唐季  
之亂王澤弗流大姓名豪竊據其地腹背受敵兵戈日  
尋假息朝晡遷保岩險迄今郡署冠西山之顛高出千  
岑俯窺萬井微道迂曲何翅乎七盤峰頂坦夷不過乎  
數畝廐庫之外參以吏舍向之平田占其半矣堂廡之  
制因而偪下亭榭之設率以乘危每溫風勃興畏景流  
爍如臨熾炭若游沸鼎冰壺屢挹內熱靡蠲羽扇迭揮

流汗相屬俄頃之際焦爛可期蓋由夫改築之初面勢  
素定因重崗之迴抱且四垂之斗絕堂塗迫窄不開南  
榮棟宇輻輳無有北戶故鬱蒸之戒候必薰灼之是憂  
自國朝已來領郡者僅以十數率困簿領未暇經營及  
余之涖是邦也承數賢之餘庶務修舉曹無巧詆之吏  
下無失職之民清心處之朞月而治適離曠熱殆將委  
頓因創飛閣于東北隅運甃累土以成基斬木陶瓦而  
備用僅及旬浹層構巋然軒牕洞開景象輻臻峰巒揜

映雜火雲之差峩溝塍糾紛漲時雨以澎湃間閭森以  
相錯竹樹翠而成帷百里雖迥不隱於秋毫萬象實繁  
如在於指掌固可胸中蕩於鄙悵眸子極於沕寥披襟  
以當雄風岸幘以度永晝憑高望遠式動能賦之心置  
酒娛賓便為避暑之飲夫如是乃體寧慮澹心和氣平  
莊室彌虛神明所以來舍孔堂不壞絲竹期乎有聞豈  
但逶迤退食之餘從容案吏而已閤既成命之曰凝霜  
將使來者無執熱之煩登者有解愠之適亦猶抱朴子

所謂玄冰九飛雪散用以卻暑兼取夫相勝之義云

南康軍建昌縣義居洪氏雷塘書院記

三代以還鄉黨皆有庠塾兩漢而下公卿多自教授及五胡猾夏一馬渡江楊粵之區衣冠舉集士風文物雄視中原蓋劔客奇材昔稱荆楚之士寬柔以教今見南方之強用是出相不下於山東明經僅多於鄒魯街談俚語必及詩書總角弁髦即遊學校由學而禮讓者由讓而孝義敦班白相推於道途耆父靡遊於市井耕者

異畔賈不求豐亦猶夫洙泗之濱斷斷如也南康洪氏  
傑出其間以耕鑿之勤厚致資產以孝悌之德大庇族  
人奕世聚居葺功踰於百口至行內激風聲樹於一方  
州閭之內人無間言閨門之中衣無常主漸漬玄澤陶  
甄至和彬彬然有萬石孝謹之風熙熙然躋華胥仁壽  
之域且於所居之側崇飾學舍一日必葺賓至如歸厨  
廩益豐弦誦不輟褒衣博帶豈減闕里之徒竹簡常編  
將敵祕書之副子弟之秀者咸肄業於茲田蘇與遊曾

哲同志列第侔於稷下鼓篋比於虞庠韋賢之一經相傳劉氏之七葉俱盛豈止游談之矜式羈旅之疇依設驛馬於四郊來遠客於千里而已至道中天子遣美俗使者按行郡國且以御書百軸下賜其家家老文撫以隱居求志肥遯不仕即遣其弟文舉入謝天闕特賜清閒之宴召對赤墀之下勞問數四歎息久之解褐授官以示光寵天子又自署一幅曰義居人以賜之閱閱增氣問巷改觀雖古之里稱通德族號高陽家有賜書門

標六閩者曾未足擬也矧處士君耕于巖石名動京師  
身在江湖心懸象魏每歲遣其子弟陳土貢於宰旅上  
必蕃錫以荅其意野芹之獻蓋以薦誠園葵之心特蒙  
委照自渥恩下及精廬彌肅寶玉在筭芝蘭盈庭去年  
處士之兄子待用舉進士得乙科同時儕流登是選者  
以十數初覆一簣蓋由推輪後來之人貫魚而進以錫  
羨流光之慶加討論博習之資珪組相輝將珥貂於七  
葉生徒益盛必著錄者萬人然後臻夫極也學館之南

有雷塘焉因以為名且志其地先是尋陽陳氏有東佳  
學堂豫章胡氏有華林書院皆聚墳索以延俊髦咸有  
名流為之紀述講道論義況力敵以勢均好事樂賢復  
爭馳而並驚宜乎與二家者鼎峙於江東矣今年助教  
來齋處士書謁予願志其事且嘉其服道淳固樹善深  
篤謹守家法勤接士類高門積德已容駟馬之車上帝  
藏書更同羣玉之府景慕不足牢讓非宜僂俛成文聊  
以塞請而已



致政李殿丞豫章東湖所居涵虛閣記

涵虛閣者致政李公考槃之所也李公挺生民之秀負  
王佐之才決科廣庭文雅第一從政劇邑吏人不欺以  
太夫人在喜懼之年有羸老之疾拜書北闕求養南陔  
天子嘉之恩禮尤異既蘭臺之進秩仍水衡而分俸用  
致官政歸侍庭闈始卜居歷陽載離寒暑會公之令子  
今西臺御史以尚書郎通守洪井叔孫必葺豈復懷安  
元方將車因以東上今年御史秩滿歸闕公且致書於

予曰客東西南北之人也前年來江西登臨山水覽觀  
風物應應而不能去且欲占數為是邦之民買田一廛  
築室百堵編名戶版輸稅公上陶陶然與漢陰丈人携  
手於羲皇之世矣茲郡之勝實惟東湖今之所居介于  
湖上却視闌闌前瞻渺瀰棟宇輳輳而世喧自分魚鳥  
聲取而物態咸見澄波萬頃韜映雲天崇期八達絡繹  
冠蓋此亦古人大隱之跡不出市朝儒者一畝之宮僅  
庇風雨者也且念嘉賓至止必宴豆以伸歡諸生來思

乃函大而請益捧觴拜慶既以奉北堂之縱心岸幘燕  
居亦欲倚南牕而寄傲裁擇爽塏累土增崇俯瞰連漪  
面勢素定市山木以樸斲命梓匠以經營作為堂皇成  
之不日形勝盡萃軒檐若飛春之晨雜芳被隄綠波如  
染可以臨清流而賦詩夏之晝涼颼拂袪炎雲成峰可  
以登高明而逃暑潦收水清羣木搖落可以詠秋氣於  
楚詞歲暮天寒密雪飛舞可以歌南山於周雅固足以  
檻心猿而習靜狎海鷗以忘機宴坐觀空入毗耶之不

二谷神反聽味玄元之五千豈徒晨昏調膳之餘雍容  
肆體而已東臺舍人董公昔典是邦或退食之餘必命  
駕以至留連觴酌從容笑語憑軒曠望目送飛鴻秉燭  
徘徊門留駟馬賞心不足好樂無荒實由斯閣之成能  
迴長者之轍若夫天宇岑寂湖光皎鑑俯見雲鳥毫末  
靡遜其形旁連邑居囁譁不接於耳遊氛宿霧寥廓洞  
開遠水長空混茫為一髣髴其梗槩目之曰涵虛優哉  
游哉聊以卒歲願志其事式為美談予與公有同郡之

情有忘年之契親比耆德欽聞緒言是用景行高山講  
求方策若虛白之室莊周得之逍遙通德之門司農推  
之鴻博集文選於南荆者層樓尚在草太玄於西蜀者  
高臺未傾吳興有韻海之堂秣陵有烏衣之舍載之圖  
牒芬若椒蘭今李公地望門風仙姿道骨清白義方之  
訓子文儒經術之傳家踈廣之揮金老萊之曳綵蘊是  
全德無忝先民而在家必聞作事可法歸然茲宇揭於  
通都聲實飛騰游居企慕締構得地風烈在人予固知

夫異日與滕閣孺亭鼎峙於鍾陵為不朽矣承命之辱  
叙事靡周聊述所聞以抵來請云耳

連州開元寺重脩三門行廊記

夫南荆之分上當翼軫實領於天官長沙之壤析為連  
山具載乎地志桂水千里詩什之所徵乳穴十九方物  
之攸產民俗忠厚土田膏沃力穡務本不訾寐以媮生  
復性遷善多齋戒以奉佛憂深思遠雅有離騷之風徼  
福乞靈靡事淫昏之鬼殆一變而志道何必齊魯豈九

州之異宜見殊楚越者已開元寺者茲郡之招提也俯  
臨康莊介于闌闌崇墉嶠峙飛觀神行像素載嚴焚修  
彌潔允為精舍居然化城而苾芻之徒頗有開士香積  
之供多出都人梵唄相續於六時依止克安於四衆然  
締構之始爰自唐朝厥初窮樸斲之工殫匠石之巧百  
堵皆作殆土木之勝人大夏聿成幾燕雀之相賀歲祀  
寢遠繕完或虧高門洞呀瓦斯解而屋漏回廊矢棘棟  
既折而榱崩河南丘君穎適典是邦布政多暇行春之

隙稅駕于茲顧慕徘徊精誠奮發乃欲易其隤陟高其  
閑閤遂得常住之餘訾且募邑人之獻力經始勿亟庶  
民子來出言有章同聲響應繇是備物而致用即舊以  
謀新梓人揮蠅翼而無傷役夫如魚鱗之雜集脩檐重  
負狀名輦之斯飛淨土增嚴見黃金之側布庀徒未幾  
厥功告成前敞三扉下臨萬井東西二廡爰畢於墜塗  
崇期八達亦甃以甃甃丹楨銅甍可以方軌並入砥平  
繩界可以結駟而馳足以攝族姓之歸依標郡城之壯



麗又何必淨名丈室紛委四華帝釋天宮莊嚴七寶而  
已烏臺御史邵君譽實生樂國夙奉仁祠由委質策名  
乃離邦去里致恭於桑梓邁德於親隣而清識造微懿  
文稽古故茲郡牧宰彼方人凡作事謀始必命介諮諏  
底績僉功即置郵赴告予與君接武臺閣交驩旦暮且  
述紆綬之後見徵翠琰之文垂示將來用圖不朽靡及  
勞讓聊此直書云耳

故河中府開元寺壇長賜紫僧重宣塔記

師姓趙氏中條虞鄉人也由河沙劫來殖衆德本未斷  
後有復生人中積習聞薰薰幼穎異宿機冥契割愛捨  
家十五禮文徹師為沙彌二十一依澄暉師受具戒亦  
既持乞士鉢披水田衣深念善財徧叅知識尤慕慶喜  
具足多聞振錫遊方剡心求法其始以比丘持律纔許  
五年諸佛度生是為初教且從本師受四分律又以如  
來出世蓋一事之因緣衆生無邊有萬殊之根器爰自  
降神兜率示滅鶴林宣說十二部經震動大千世界其

間具偏圓半滿之義開權實頓漸之門雖文字性空語  
言相離然而標指見月乃理事之兼通得魚忘筌始覺  
照之都泯師是以從歸一和尚傳無量壽經依行滿法  
師闡因明論盡達宗旨咸有師承終身受持為人演說  
蓋四句之偈福利居多一音所宣悟解斯衆又復專持  
首楞祕密之呪徧閱毗盧方廣之文八郡歸依天宮辦  
香積之供四衆圍繞空界雨曼殊之花凡讀大藏經一  
萬餘通誦佛頂真言三十萬過鎬京蒲坂實有化緣前

後登甘露法壇宣尸羅淨戒得度者僅千餘人破塵出  
經多蒙利益傳燈分照豈有窮盡馬祖門下皆一時之  
利根龍華會中實當來之眷屬人天主伴夫豈偶然秋  
官貳卿上谷寇公早在先朝參預大政重師之行薦于  
帝庭詔賜紫方袍以旌其德處六和之衆而天子知名  
介三法之微而王臣外護非蘊空漏盡神足智圓為彼  
岸之舟航作釋天之日月者疇能致是哉師以咸平四  
年四月庚戌示身有疾殆至彌留盡召其徒授之治命

薪盡火滅神往形留相好儼然道俗傾慕報齡七十有  
九僧臘五十有八甲子奉全身閣維于南郭之外得舍  
利三十餘粒以其年某月某日遷靈骨於其原建浮圖  
焉上足弟子賜紫令操入室推賢傳衣善繼思欲奉揚  
遺懿昭示將來戾止上都以塔記為請予素服能仁之  
教尤欽開士之風且與上谷公道契無生心專趣大樂  
天綺語固願贊於佛乘執戟蟲文豈能宣於真諦聊擬  
梗槩幸免枝游云耳

婺州開元寺新建大藏經樓記

昔如來登菩提坐為天人師萬德莊嚴十號具足大千世界以願力而攝受十二部經自悲心而流出所以宣暢了義提拯羣迷開方便門示真實相有條不紊譬以綫而貫花得象忘言如標指之見月自鶴林示滅大教方行而龍宮祕藏所傳無幾爰暨像法之運乃流震旦之區大士繼生廣譯五天之語精廬錯峙竝緘三藏之文於是大雄之法音雷震于茲土矣勾吳之域介于海

隅東陽之墟上直婺女蒙泰伯至德之化俗敦廉讓之  
風漸初平好道之餘人稟清真之氣有恥且格見善乃  
遷邑居相望悉奉竺乾之教弦誦之隙必閱貝多之言  
繇是棄塵勞而為苾芻者實繁有徒闢淨土而崇塔廟  
者比比而是開元寺者茲郡之大招提也前臨九遠旁  
接萬井金碧絢彩上擬天宮鐘梵交音居然福地土木  
壯且麗矣歲祀寢以遠矣龍象六和之衆禪律交修香  
燈四事之供檀施總萃而琅函寶偈有所缺然乃有本

寺僧文靖與本州都知兵馬使曹維旭同發志誠共營  
勝利爰以淳化中相率詣闕擊登聞鼓求方借版摹印  
真文奏牘上聞帝俞其請逮至道初維旭等始共輦置  
楮墨之直聿來京都詔免關市之征授以要券繕造既  
畢護持而歸特給上計之迴舟俾達金華之本郡維旭  
等又相與刻軸以文木織條以色絲香芸染籤丹漆塗  
匣崇飾既以脩矣誓願既已圓矣而經臺舊基圯毀滋  
久軒廡摧撓漫繪踳駁維旭等遂請於郡閭躬詣屬城



徧募有情共成衆善鳩工度費即舊謀新建重樓開法  
藏其上級置廬舍那文殊普賢及十六大阿羅漢之像  
中級設虎座作八神王箕踞捧持其下象七金山法四  
大海寶地平布祥雲周繞締構彤鏤殫匠石之精能像  
設焚修見天龍之護衛固使黑白之衆有所歸依利鈍  
之根因而啟發皮紙骨筆學道者靡涉於艱辛寶藏金  
言開卷者並諧於悟入廣大利益豈勝言哉維旭又嘗  
於雍熙中募衆緣累甃為浮圖凡七級直經樓之南十

數步訖役之日白光燭天晴空沈寥久之始滅行路瞻  
覩道俗嗟歎斯亦樹善之冥感殖福之昭報也予咸平  
中罷守縉雲道出茲郡維旭者捧持事狀拜于道周求  
得片文以刻貞石會予入掌書命不遑官次而勤請彌  
篤踐言是與予固從事於空宗者也隨喜稱讚豈有恡  
焉削簡含毫茲用無愧云耳時景德二年歲次乙巳十

二月朔日記

潞州新勅賜承天禪院記

景德元年冬天子巡狩澶淵駐蹕河上始議和我之利  
慎東使乎之才乃詔西京左藏庫使樊州刺史隴西李  
公繼昌奉將信幣克成盟好復命行在不逾浹旬奏事  
宸居沃心稱旨時黃屋值流虹之慶帷宮舉稱觴之典  
執玉萬國塗山無後至之刑舞羽兩階靈臺有偃兵之  
議純嘏之錫上帝是賚富壽之祝率土攸同公因頓首  
上言以上黨舊邦卜居累世有環堵之室乃先人之廬  
而自叅表著於內朝占名數於京邑喬木猶在高臺未

傾願為仁祠以施開士增飾輪奐肅奉赫修庶以衆善  
之因仰助無疆之算上覽奏嘉歎即命俞之申錫璽書  
旌以懿號曰承天禪院從其志也夫箕裘善繼前典攸  
稱桑梓致恭先民所重雖知樂之至不忘所生而似續  
之賢由於肯構矧壺關之壤上應鼎畢羊頭之阨北當  
燕趙國俗尚武人氣多豪控山東列郡之衝乃天下勁  
兵之處悲歌慷慨寢以成風土厚水深居之不疾而公  
之先正茲焉挺生蘊翁歸文武之才茂荀息忠貞之力

始仕周室殆於皇朝功濟生民道合明主歷計相之劇  
任處宣猷之上列乃至正位機密允輔大政當太祖皇  
帝夙興夜寐經營四方料敵伐謀指蹤千里前席借筓  
允集大勲持建節牙出臨巨屏功成身退高朗令終惟  
公經德體仁象賢濟美職在清禁爵為通侯門戟鼎銘  
昭閭閥之盛朱轡佩玉顯車服之貴誓師邊徼威肅巴  
賁作牧藩垣政成海岱單介使虜通玉帛之驩三接承  
顏居心膺之任萬乘親倚羣公傾慕蓋所謂人倫之佳

士帝右之信臣者也先是公之載誕亦在舊居指樹尚  
存藏錄可驗嘗蒸奉祠履霜露而長懷并曰思歸顧粉  
榆而未感然而高扉納駟奕葉珥貂奕塏不遷親隣素  
擇裒成徙籍蓋出主恩揚僕移闕敢懼特議且深信內  
典勤修白業念旻天之罔極報德無階緊覺海之大雄  
歸心有素恭承明詔肇開淨土棟宇之制侔七寶之莊  
嚴苾芻之徒極四事之供養匠石殫巧天龍薦祥金碧  
炫彩於晨曦鐘梵交音於空界問安之寢聿為道場學

禮之庭更張法席足以滋殖德本發揮善利香象負重  
廣集彌天之流水鳥談空更同極樂之國福祉之盛豈  
可量哉昔者南朝諸公多施宅而為寺西域長者競捨  
財以供僧簡策相傳風流未遠貝多所記報應非虛訂  
公之為斯一致耳曩者太尉先生居顯位受厚祿寵錫  
蕃庶私帑充牣奉身甚約事佛尤謹生平飯僧七十萬  
造千佛像修紺殿以嚴寶剎飾琅函以祕金文又以方  
牘摹印金剛上生等經施於四衆山門禪苑多所繕完

什器道具率用營置深達實相不滯根塵盡此報身當  
得解脫君子謂李公詒謀錫羨源深流長福履所綏凡  
情叵測何止積善餘慶啓八世之莫京定須當來下生  
首三會而受記父作子述不其韙與予職在右曹心師  
西竺辱公之請至于再三僂俛揮毫以謹歲月而已時  
景德二年歲次乙巳四月八日記

建安郡齋三亭記

夫好尚非一仁智有山水之殊居處異宜高廣致陰陽



之冷故書稱肯構詩詠斯干列國之禮賢渠渠夏屋先  
聖之談道申申燕居矧乃專城按部之崇觀風布政之  
隙經始不日無土木勝人之譏退食自公有宴飲合歡  
之所斯固君子之作事良牧之用心者已建安大邦保  
界閩粵綿地八百里生齒十萬室賦興維錯民俗豪舉  
國朝肇建我閩必作鎮以壯王乃眷縣道亦精擇於健  
令即良二千石之寄從可知矣渤海高君由曲臺綿範  
之任領茲郡山澤之征就降璽書委之符竹而君正身

以律下清心而治煩釋其磐牙陳之藝極訟既息矣微  
纏棄置於園扉化之行焉弦誦流聞於鄉校豪猾屏氣  
遁亡悉歸頤指而諸曹承風坐嘯而一郡無事君且念  
居室先後之訓著於禮經臺榭高明之說存諸時令蓬  
壺溟渤形詩人之歌詠觀閣池沼播名卿之序引於是  
周爰公舍眷求遺址方塘白水皎鑒激明虛榭危檐摧  
頽圯毀即命匠石授以楷模曾未旬時汙終力役審曲  
面勢疏為三亭反宇飛甍瞰茲一水俯北岸曰勤公仍

其舊也其西曰旭景其南曰澄鮮皆繚以脩廊狀輦飛  
之制巍然層構侔黿負之雄池之東累土積石為千巖  
萬壑之態亭之南築棚設次習六鈞七札之事每棠郊  
聽訟有憇爰之勤鈴閣思政乘鞅掌之暇獄既決矣隱  
悼伏念以無寃吏且休矣棲遲偃仰而多適君必巾櫛  
自便屣履以登送目沈寥養浩然之氣披襟軒檻當快  
哉之風固已遣仲舉之鄙恠生蒙莊之虛白至若輶軒  
一介有于役之勞盛府初筵有從事之樂郊勞餞飲之

外爰洽於宴私羽書幕畫之餘率多於暇豫君必殽核  
維旅履舄交錯裁雕章於寸燭豆泣釜中奏妙曲於繁  
絃魚躍波際固已展春秋地主之禮盡賓客杯酒之歡  
其餘即詠歎發於如仁尸祝宗乎全德去如始至嘉叔  
孫之能賢歸然獨存期靈光而為比經構之旨豈徒然  
哉某占數樂郊名忝戶版濫官近署跡繫君門少游下  
澤之車空深懷土正平爵里之刺不獲望塵恭佩高風  
欽聞新政而况圖繪勝槩甌縵尺題金玉其音日月以

冀幸叨史氏之職願紀與人之誦才少思軋亦不敢辭  
進牘含毫用謹歲月而已時景德三年歲次丙午八月  
一日記

邠州靈應公廟記

奉勅  
撰

夫有天下者徧祭於百神載祀典者非止於一族故成  
周之盛咸秩無文春秋所記並走羣望秦并六國祠官  
之領實繁漢繼三代有司之傳彌廣是知出雲見怪不  
必主於山川捍患禦災固悉存於尸祝牲玉有等廟貌

斯嚴齋肅吉蠲薦之以馨德聰明正直降之以嘉生然  
後百工允釐納民於軌物三時不害躋俗於仁壽茲盛  
德之事也非聖人孰能隆之哉咸秦之區上直鵷首山  
河四塞幅員千里雍州夾塏泰時神明之隕幽土深厚  
公劉王業所基列地百城提封萬井崇墉濬洫制擬通  
都北戶連甍俗成樂國有神保順公者斯土之靈祇也  
幽贊無方休徵叵測血食制位巧歷不記其年公衮錫  
封良史頗逸其事歲月增逝修奉彌勤神光燭壇野雉

皆唯回風翼駕青虬載翔誠既感而必通靈雖久而靡  
歇郡或致禱爰昭報而格思民苟不虔乃憑怒而伸儆  
繇是愛之若邵伯之樹畏之如共工之臺天或降災克  
銷愆伏之咎人斯構厲能弭札瘥之殃百祥荐臻一境  
是賴蓋社稷均享同嶺嶠之宗亢倉歌舞致誠比沅湘  
之祠太一神道設教是之謂乎而必葺以來為日斯久  
繚垣有復隍之懼崇構幾棟撓之凶守臣上言俞旨遣  
降經始以度費因時而儉工取大壯之新規資集靈之

舊址成之不日升聞于天特賜號曰靈應公昭神貺也  
且有明命屬於下臣聿徵鄙詞以志休烈恭惟馭神以  
祀者邦國之大事為民祈福者天子之深意有虞望秩  
璿衡齊政而靡愆姬文懷柔寶龜卜載而彌永祚德儲  
祉豈誣也哉謹述謏聞慙於漏略時景德三年月日記

武夷新集卷六